

բիա), Ֆրատ (Եփրատ) գետի հովտով  
 Դուսլու լեռների լանջերով, հասնում է  
 Զինագորի հովիտը—Թորթումի գաւառում,  
 այնպէս է փոխուում օդը, բոյրը, շրջապատի  
 բուսականութիւնը, որ անցորդը զգում է  
 կենցաղի փոփոխութիւնը: Ոչ միայն բու-  
 սականութիւնը, այլ նոյն իսկ կենդանիները  
 իրենց գոյնով, հասակով, կայտառ շար-  
 ժումներով նորանոր տեսարաններ են կազ-  
 մում անծանօթ աչքերին: Աւելի առաջ եր-  
 թալով՝ Սողանլու—չոճի, Էղեւնի անտառին  
 փոխարինում են պտղատու պարտէզների  
 ծառերը. կեռասի, բալի, հոնի, նռի, ըն-  
 կոյղի, տանձի: Ամէն քայլափոխի պատա-  
 հած աղբիւրները, առուները, ճահիճներն ու  
 լճակները այնպիսի զմբուխտի դալարով են  
 գրաւում, հրապուրում ճանապարհորդի  
 աչքերը, որ նա ոգեւորուած, յափշտակուած  
 արտասովոր պատկերներով՝ ձգտում է ան-  
 վերջ առաջ գնալ այդ առասպելական աշ-  
 խարհը, վիթխարի ձորերը, սահելով, ցատ-  
 կըրտելով լեռների լանջերի կածաններով,  
 առանց սոսկալու խոր անգունդներից եւ  
 ահեղագոչ առուակներից: Ճորոխի Աւաղա-  
 նում այլ եւս չէք տեսնել ռանչպարի եօթ-  
 լծանի — եղ ու գոմէշ — զուլմանը. չէք  
 լսել հոտաղի հորովելը. աջ ու ձախ մի—մի  
 լծով չթուորներ, կամ բահ ու փետատով  
 ճանգրտում են լերան լանջերը, ապառաժի  
 վրայ նստած երեք մատ հողը, որ ցանկն